

淵

雅

堂

全

集

洲雅堂編年詩藁卷十八

長洲王芑孫念豐

乙丑

題沈舫西太守

現

心田種德圖

種橘富千戶種槐貴三公種菊隱者流種玉仙之翁豈
如種其德豐穫收天功書田子孫耕意耨年可逢君厭
承明廬一麾臨岱東適遭黃流溢嗷澤觀哀鴻讀君橐
中文條教播深衷好詩九脫手春陵餘古風此心持一
日此田登萬鍾田無百世業心有千載同德意所萌芽
茗穎蘭桂鼓屋後腹生兒灌溉自三冬檐前竹生孫走

鞭迅如龍未可鹵莽耕經畝刈心蓬歸田壽無量自稱
石戶農

題襟館同課擬杜二首

枯櫟

櫟櫟豈殊材直幹頗自許所願留其皮纏繞命良苦敢
辭肌膚剝庶與菅蒯伍縱未鋪玉墀天步登霖雨聊抵
屋誅茅苴彼褐之父嗟哉伐檀野誰能赦斤斧蜀道久
兵戈剖瘿傷恣取或遇老饕翁爲魚亦惟汝可憐生意
盡此心終縷縷猶隨一塵尾快埽萬蠅羽

病橘

橘惟揚州產包貢古所資金盤薦嘉實風霜發華姿愁
遺偶不食作頌流楚辭連年失冬蟄蠹房綴蛛絲當春
翻凜冽木稼披其枝卷葉半青黃分甘諒無期世方養
棘棘血指歎莫治荒莊遑汝恤橘病橘知之我無千戶
封歸隱洞庭湄歲寒搗蠶白化枳憂難知

題沈茂才

恕

看劍圖二首

松檜園林暮江湖歲月秋客辭黃葉酒人換紫茸裘抱
膝仍書卷論心半俠遊平生鐵如意常在石牀頭
我有盤龍劍終年挂壁看君持飛動意上欲斗牛千杯
罷吟橫槊鐙深夢攄鞍男兒好身手未肯負儒冠

荅劉松嵐觀察

大觀

枉贈卽送入都

有從聖賢後發迹奮屠沽朝離羊豕閒暮乘使君車是
惟高貲郎夢卜兩不須年來窮措大亦罄囊盎儲不勝
世嘲謔自命漢相如君本老諸生文字性嬉娛墨綬三
十年卻復登此塗南遊暫一快今往建旄旛君才特開
敏君意自蕭疏宦轍歷西東直過醫巫閭渾河曉霜色
蒼然上其鬚瘦筆寫清思秀奪山澤臞時傳脫俗句繡
在邊女襦世味久已忘涉世又何虞伏惟承平積兵農
載

朝謨吏責日以深官邪日難除訓狐繁輩類惡木長根

株手持匏瓜斧剗刃良有餘儒有不可戲民有不可愚
萬分營補抹一誠起勤劬何必遠徵古上引龔黃徒君
鄉高密李鶴謂少近效亦豈誣溫文轉廉辨彌縫變拘迂
成勞雖未酬遺蔭恤其雛君故學其詩治行當可模贈
言先及我索別不須與夜來情話劇鬥酒翻衣裾君移
天畔楂我把山中鋤飛湛懸出處消息知有無聊當繞
朝策副之一卷書時以自臨佛告比邱
贊單越經一卷贈行吾書豈足貴往
往似墨豬所取佛吉祥多男祝懸弧他時添丁長併詩
俱付諸白頭倘相見重題證何如

寄題山陰陳茂才

鴻熙

所居青藤舊館

樓船籌策記前明幕府當時有一生曾向山中閒放鶴
今來海上正翻鯨天留此地真邱壑人羨君家好弟兄
會見飛騰起前輩不徒觴詠送生平

修書館答張仲雅孝廉

雲璈

二首

踈竹鳴秋夜繞廬燈窗點筆趁涼餘范劉同作溫公客
管晏原非孔氏書律學農經叅義類解池蜀井例分梳
券驢博士應嗤我書券三年未見驢

淮鹽千古略無文唐宋鹽官各著聞平準篇終人感慨
短長術起事紛紜誰從劉晏徵長策爭喜弦高解犒軍
異日流傳公等在持籌衮衮也辛勤

鐵制府繡寫吟餘習射圖二十四韻

獨樂溫公記雙清謝傳篇園林忘檠戟夫婦寫神仙小
築幽成趣新塋淨埽煙野畦翻蜀錦宮褶卸吳棉偶輟
秦嘉詠仍繙越絕編劍聞處女授家有孟光賢臂以通
猿擬心還正鵠懸椒花爛作頌楊葉慣能穿灑墨功纔
罷樵青侍亦僂綠沉排幾耦金埒誚從前箭與風追影
弓隨月上弦輸贏班次第譁笑中聯蹕暫比飛英會聊
同鬥草便遍分瓊屑餅戲賭畫叉錢憶在
先朝日曾揚朔塞鞭歲常由鹿哨公亦舊鳶肩徹札兼
三矢如綸下

九天大黃看穀滿孔翠耀翎鮮暇續家人傳今持國計
權駐熊經此地射虎想當年燕寢熏鑪處蘆簾紙閣邊
後堂叅萬石小子卽彭宣絲繡平原出泥封魏郡專他
時徵軼事圖畫一齊傳

題郭頻伽懷人詩後二首

鬢鬚蕭瑟忽成翁飄泊江淮一釣蓬不道藥鑪經卷地
有人高詠憶牆東

感逝頻年未有詩幾回欲作更遲遲因君落月停雲句
添我晨星舊雨悲

淮海神絃曲四首

后土祠

靈之來杳徘徊瓊花無種天自開靈之坐悄閒暇開滿
瓊花天不夜靈之往颯精爽野草凡花浪生長春人慣
趁春祠賽畫鼓年年響成隊瓊花謝了世無花但願淮
東晦晦皆桑麻

露筋廟

靈之來滄然雨滿湖豹腳花鷹舞靈之坐皎如雪湖裏
珠光照清潔靈之去渺煙霧燎蚊焰短湖天曙祠前鬼
嫂唱秋墳祠外邨孃暮洗裙但願人閒遍作有幃子莫
與芙蓉抱香死

繡女祠

靈之來超以藹依舊仙衣天水碧靈之坐憺何慕冬青
非復前朝樹靈之往空長爪道君好道邊庭老頻年苦
雨爛柔桑紅蠶眠起繭不黃但願桑田莫變爲滄海壓
綫纈絲有儂在補袞補成龍五彩

仙女廟

靈之來宵兮默霞裳翥作鴉翎黑靈之坐飄且飊子丹
進饌羅黃肴靈之去世誰度雞犬淮南枉無數祠中仙
女不知春祠前商女春眉嚬但願估船來去高于屋郎
撥琵琶儂理曲明年不費金錢卜

爲人題香溪獨釣圖二首

不波之處試垂鉤魚自浮沉水自流多少見翁逐風浪
好從人海一迴頭

無恙春流繞石磯夜來明月上蓑衣釣鼇豈乏天邊客
我自收綸袖手歸

去揚州留止京江郭舍人^望江深草閣

地直金山寺人來鐵甕城半樓殘雪影一枕夜江聲燈
火臨官道壺觴藉友生顛風尙如此波浪幾時平

草閣對雪

三閒草閣俯長流忽地鋪瓊遍十洲鴉鵲亂翻鄰寺塔

闌干紅出隔江樓
兵廻毫上旗新卷
水溢淮東鋪未休
且喜豐穰有消息
飢寒吾自不須憂

題宋三

廷弼

秋風瑁璫圖三首

孤進還丹事有無
三霄路遠只崎嶇
淮南雞犬騰雲慣
翻著真仙守藥鑪

我欲山中老荷鋤
當時人海早收帆
平生多少英雄淚
不灑秋風下第衫

席帽離身亦等閒
君家精悍在眉閒
相如合用貲郎進
看取他年論蜀還

丙寅

將遊洞庭風雨中渡太湖

山人此日遊而已不道風波尙如是山高水遠縱所如
鼉憤黿愁却何以蒼蔚雲方滿樹頭顛當風亦來船尾
濛濛萬綠點波浮茫茫一白掀天起片帆如葉挂其閒
身到中流悔難止嚮來淪落慣江湖屢與蛟龍角生死
平生忠信義有憑畢世孤危念無始鐘鼎山林豈天性
各隨所值非懸擬雨散風收一霎俄跋險尋幽兩堪喜
慨然咫尺見傾覆眼底紛紛市人子

抵東山入壑舟園止宿縹緲樓下

山園當日隱牆東構築依然積翠中樓小遠招峰一朵

橋彎橫拓水三弓竹聲終夜渾疑雨梅子經時輒墮風
壞壁蛛絲遍題字幾人須用碧紗籠

題族祖

世承

有懷圖

周官占六夢占法不可知在古遠莫紀略見惟雅詩考
牧姑勿論考宅卜熊羆男女初未生父母先夢之至情
所苑結感召理若斯世人意顛倒或夢棺與尸盛衰一
炊黍化蝶匪夷思吾宗篤倫紀風木久含悲明發有不
寐寐作老萊嬉不夢十八公秉笏侍金螭不夢守南柯
比屋列蛾眉不夢之釣天廣樂奏彤墀耿耿陟岵心悠
悠倚廬思我因上冢來情話接款私作圖邀著句媿非

黃絹碑

靈源寺

寺爲先文恪讀書處所題
雨華樓榜三篆字尙存

碧螺峰下訪靈源
準确峰腰見斷垣
蘆葍林深雲沒迳
枇杷子落月敲門
采茶女問蠶收箔
種秫僧誇酒瀉盆
先迹摩挲幾興廢
雨華樓牘篆題痕

淨雲菴

自龍山至此二十餘里皆荷花

人到荷花國
天開祇樹園
直將香作界
真覺水爲邨
僧賀蠶成市
農祈橘返魂
此中無六月
熱客莫臨門

靈順宮

俗亦謂之楊灣廟

靈宮不見見孤松
煙外時聞一杵鐘
樓閣翻從湖面出

波濤直過樹頭春挂龍莫辨天耶水啼鳥曾無夏與冬
乘月來看知更好白銀盤裏碧芙蓉

玉筍峰

西山以石勝東山惟土沃品石常在西東則罔著錄豈
知天骨存呈露未碌碌西山石戴土齟齬洞空曲東山
土戴石崢嶸獻頭角老夫舊東人遊請從東俶邐廻登
玉筍蹶蹶踐瓦璞忽從轉側間覩此困蠹族蒼然黑一
堆點破黛千斛翠螺留闕陷黃坏負童禿色同雷火燒
狀類雲斤鑿欹或若危牆方或等覆屋豪者或虎騰很
者或羊伏或蓬累而行或人立相撲兩開呀爲門匹美

媿成穀倒而懸者鎚孤有擎如纛離立半楂枒肩隨互
追感大抵崇如墉閒逢獨者蜀是何雄且傑第覺瘦不
肉我觀洞庭石匠巧良已酷差擇固兩能搏掄非一局
石公奇在腰林屋怪于腹自腰阻輿輦穿腹費脂燭濟
勝足艱虞探幽窘伸縮何如此閒來坦步戒不宿無待
雙行滕所支一筇竹勿憂繭成胝尤便遠送目難易旣
攸殊紀載矧須續東略之不知西謫當可復彼太逞玲
瓏此小含蘊蓄生平介如心壁立峭越俗雖疑志士胸
壘塊填五嶽勝看儉王面刺深墜溪谷磊落要自妍嵬
瑣真堪惡孰宜更爭長試學斷斯獄甲乙簿難分兄丈

呼可告幾輩擅縱橫一德秉堅確吾今辨東西誰謂非
仲叔甘從木石居肯與唯阿逐饒名著其閒詩付後來
讀

題族祖

世登

東山絲竹圖三首

東山合號我家山雅有閒情寄翠鬟不似爭墩半山子
騎驢身老苦吟閒

陶寫中年事亦宜誰能長日付圍碁念家山譜新翻出
不唱楊枝唱橘枝

我欲行田傍海東一筇相伴到山中卻愁未遇筌篯引
滿壑松篁自奏空

林屋洞

洞天世所稱林屋最靈奧我來麥秋天深入必阻滂心
知不可游聊復取一到舍舟卽平陸此山例無轎田塍
湫隘中欹橋架積淖未信仙居清頗嫌近市鬧童然山
覆釜其尻露出一窠呀處半蒼黑燒殘破窯竈洞門草青
黃土膚慘枯耗維時日亭午道暘心懣躁旁無美松檟
暫可陰曦曜避熱趨洞間凜冽訝何暴不惜身傴僂其
奈逕窅窅手爬滑滑泥頭滴涓涓瀑一種氣幽腐無端
體踣踣肌粟粟添衣齒齟思著帽亟出始安便不出中
難料頗聞入者言稍入又燁燁地火之所吹鬱蒸生暈

眊不知是何聲其聲無可肖或謂波濤喧或云蝙蝠呌
兼有三腳獸惶惑想獐驚雖未覩厥物腳印留所蹈螺
旋并蛇行祇賴星火導預恐煙焰迷攜燈加籠罩仰鑽
登螭房俯縋墮蟻窖匍伏三四里僅得穿其窾隔凡掩
雙扉共頂穹石窳石牀平可坐石鼓虛可敲垂垂鍾乳
懸一一春杵倒倉猝不敢捫諦認其持燎非無蹶而蘇
亦有悔生懊當其入洞初洞口先巡徼留客守洞門緩
急煩報告不幸塞其兌或誤投火爆此時穴中人驚悶
死莫療人生都陽明山水智仁效登高與臨深何處非
壺嶠何苦黑暗中往就地獄詔縱令變相窮未遽通元

妙此險曷爲嘗此奇安足釣生平怕幽昧白晝鬼物傲
未求縮地方敢慢垂堂教人希康樂高我有介甫拘

歸雲洞

我來石公遊洞壑幾遍覽奇絕數歸雲破空闢厓丁苟
非靈掌擘定用雷斧鑿巨縫豁立壁懸梁架橫居高閣
臨廣陌重離照習坎來者得其門異彼入于窞四圍掃
莓落一房披菡萏檐如斬版垂甍可拂棖撼堂皇中布
席庭除外鋪毯挾雷以通明啟牖非投闇方知廣厦茆
不似泉扉掩金容兩足尊倚牆示慈感善財與龍女高
下隨勢嵌其閒罅坼處青泥溜汙染暗泉逗秋雨涓滴

飛數點所以觀世音時時淚勻臉旁有石木魚叩之聲
亦儼廻旋愜坦平意匠忘慘澹經行得未曾欲進無不
敢可以晝携尊可以夏紆簞涉世久崎嶇尋山少拘檢
所憚遇崆岑何況探黥黥林屋自奇閼未肯以詩諂差
喜瘦皮骨免教試陰險

一綫天

徘徊明月灣合沓連雲障奮從蒼翠交湧起積鐵狀破
壞相搪撐刻酷少醞釀剛腸久鬱轆至是怒一放峭削
露崖岸繫絡披肺腑雲梯劍樓閒石勢猛驅浪砉然一
綫天剖峙森相向層疊架牀屋綿聯排冢壙無端裂其

資兩立脫依傍掌掌倘巨靈試劍必神將蟻緣入其中
猿接循難上便同複壁藏又異負牆讓人爲坐井觀天
換戴笠樣巷開抽一條壁壘分對仗圻罅透無遮圓穹
失其曠隙示齟齬形頂叅離合相滲漉出暗泉涓灑到
重嶂碎礫時拒趾窅窳阻引望攀援豈吾能容覆非汝
量長歎出登高始覺天宇暢

石公寺山亭放歌

古稱太湖五百里今者七百里有餘圖經峰載七十二
今九十一青芙蕖陵遷谷變滄海運湖出浸山山入湖
此其廣隘易明白曷域聚訟何爲乎東山望湖湖破碎

西山望湖湖一隅石公山亭據高處東西虧蔽全已無
隱几不知霄漢遠俯檻但見雲濤鋪晴餘素練自舒卷
風起鐵騎相追趨雷奔電掣掀地軸鼉梁龍窟連天墟
東南水利久莫講遺說僅載明諸儒宣歙上游幾通塞
淞泖貫輸疏復淤橋填岸圯兎口缺汊微流緩蛾眉紆
問潮申江潮似馬垂釣虹亭釣無鱸官報新升喜蘆課
民操舊券憂蕘租魚經蟹賦注未了無暇讀到河渠書
漢女江妃慣嬉娛出遊自弄明月珠屏翳歌舞作前導
又勝之以鱗鱗魚坐令湖光日開拓快哉一鏡磨方諸
那知翻銀卷雪黏天處中有無萬雞犬桑麻區山人無

錢買山居亦復拳曲非時需名爲選勝志媮食乞向長老分齋厨山亭可借決借我聽我醉倒無須扶湖月可呼吾自呼

真適園二十八韻

有序

先文恪公未第以前所居在山後旣貴始居山前
榜題柱國府者是也園在柱國府後歸田所築集
中有記手篆真適園三字尙存今皆聚族居之在
山後者謂之王巷在山前者謂之王衙前園屋以
時修治漸多移易惟門庭樹石猶其舊云

柱國初移宅還山別置莊松杉已喬木風月自虛堂故

府門交戟前塵海變桑見幾辭相位貽後祇文章真適

歸林壑先憂憶廟廊謝劉同罷免瞿薛僅追翔世業更

衰盛遺書半在亡鵲音

先光祿公詩集名

遙繼響橘社

先少詹事詩集

冷餘香上第衣冠盛崇祠俎豆光清門久寥落華表一

淒涼槐結前朝蔭楓彫昨夜霜尙留旋馬地不異門雞

坊蟲篆懸檠勝蛛窠滿笏牀樓臺非畫錦杞菊尙秋芳

忠厚傳斯在詩書澤未央末孫完志節轉戰死封疆

褒卹從天降

恩華與

國長孤兒今劍佩

當代又旂常舊閬花瀾溯迴瀾震澤強吾宗誰後起幾
輩出聯行裴列東西眷洄分上下楊烏衣猶有巷驥足
豈無驤地望寧堪貴家規那便忘但期敦孝友初不繫
行藏農賈皆常分精勤要力將橋猶稱玉帶業好問青
緇貧賤曾奚戚方來未可量西流看澗水日夜正洋洋
始祖花隴墓前玉帶橋水自墓後發源
環繞西流形家謂是吾鄉第一吉壤

翠峰寺

古德皆何在空餘古道場

董華亭勝雪
寶天衣道場

真容殘畫壁梵

夾散書囊

藏經閣有席氏所
置藏經漸多脫軼

樹數上

前朝盛僧仍一世

忙始知逃賦役其幸祇三唐

寺中宋元古樹明正德中
見伐其僧以抵徭賦先文

恪有詩
紀事

雨華禪院

東山山前置山柵萬瓦鱗鱗坦成陌居民爭占平地居
鏟巖削嶮僧其宅每凌峭崿架空虛乍走寬平就逼迤
雨華院裏屋不多曲折藏幽費規畫蹊迴徑複妙于轉
棧接梯聯抵其隙非無雲榭據嵯峨亦有風軒敞櫺櫳
嵌入巖罅幾棱青收來湖面萬重白室中篝火醒花魂
厨下疏泉浸月魄隔年宿蝶胷枯桑當晝飢鼯竄空柏
煙霞勝處皆福堂憂喜忘時卽仙脈山僧有戒不持戒
饌玉餐珠旅殺核吹竹彈絲任所爲佛門不到官條格

我墮凡夫五十年出處皇皇飽難隄依人無味却依僧
飯盃隨緣果何擇布襪青鞵趁此時打鐘埽地真長策
沙彌欸欸解留人方便東坡一房客

登三茅峰示翦雲院僧四首

人坐莫釐冢畔天垂翦帽峰巔極目川原似繡迴頭雲
霧如煙

雙桂惟餘樹一

董文敏勝雙桂傳
芳處今存其一

三茅不見峰三轉過

峰來有路砍將桂去無菴

和尚殺雞留客先生放鷁尋詩何必一年一度未妨時
醉時癡

灑墨與君作別種花待我同看歸去辦雙木屐重來借
箇蒲團

壑舟園雜述十首

有序

先文恪有從兄曰滌之先生高蹈不仕自號壑舟
沈石田嘗作壑舟園圖文恪爲之記其後園圯圖
亦他失入我朝七世孫金增贖歸其圖又買得
石橋邨朱氏廢園移文恪所書壑舟字榜之而加
葺治焉旣還舊觀續有題紀此園雖非當日壑舟
故處然朱在勝國時亦山中豪右家多姝麗頌酒
徵歌吳梅邨一輩所嘗遊集者也自歸吾家又且

百年有屋數百間聚族居之然吾諸父兄弟或仕
或賈類皆處外莫之鋤理荒然杞菊余茲晚晚來
遊盤桓信宿觀乎一灣之水五畝之桑半頃之蘆
三分之竹枇杷橘栗之果數十樹梅桂之華數百
本誠使閉門而求之夫婦勤力猶足爲生人生世
上又何必遊宦爲賢也哉情話之餘咨齋今昔詩
多不次聊作園中他時故實爾

門第居然在園林靜不譁湖山清世界將相舊人家隱
遯前期遠文章後起嗟我來真悔晚惆悵計生涯

曲折橋三版清冷水一池全鋪萍熨帖半掩鏡琉璃峭

石欹當路長松倒卧涯魚經如可注莫惜繼天隨

縹緲樓如故窗含縹緲峰舊題還署榜

明范允臨書額亦失而復歸

往夢斷歌鐘

謂朱氏

邛壑天然趣煙雲過去蹤百年人鼎

鼎登眺幾吟節

爲問王園白山茶開一冬圍欄周面面團蓋影重重判

價論錢直移栽覲土鬆瓊花原有種歲計佐邛農

聽西白山

茶一樹吳越閒種皆出此謂之王園白一栽之直當銀五星惟利所在剪伐無已故作闌禦之

舊說洞庭紅

橘名

行穿橘柚中風霜天不借彫瘵歲難豐

夢醒封侯客書求種樹翁作亭題楚頌吾欲擬坡公

比歲

橘荒山人不甚補種故橘益少

閣有名天繪天空物態閒湖明他縣樹閣上望見雲獻
一樓山行藥琴書暇開尊紫翠閒賦成招隱士庭桂迴
堪攀

山勢轉查灣

地名

人家認倚山沿緣三十里只在荷花閒

蟹簍捎船過魚租券市還方知浩如海白傳句相關

族葬周官制祠堂漢舊儀

園西桑地今以作墓羣從兄弟皆同藏並以園屋爲祠

耕蠶皆士業裘葛亦家規講取齊民術因爲述德詩未
須官裏去空遣素衣緇

館合來禽仿陂同放鴨開縱慳千斛酒

舊嘗釀酤故其具猶存猶

賸一溪梅果熟鄰僧乞茶收貢使催巢林來小鳥鷗鷺

未應猜

北阮居分巷東裴眷一門
枇杷黃繞屋桑柘暗成邨
吾道宜藏壑前修有灌園
力田何不可珍重語諸孫

自洞庭山歸得唐陶山刺史

仲冕

枉訪不值見懷

之作次韻答之

川泳雲飛各其素佛有隨緣爲去住
君今汎海應官來

陶山此來航海

我自入山尋藥去多君半世書城居
我亦勸君

勤讀書豈知未讀長短經終然見笑章
句儒從來冷宦非熱吏肯向衡門枉旄
幟子猷虛返雪中舟彌生漫減懷閒字
詩成不作凡鳥訶知我謝客曾無何

連得秦小峴太常

瀛

京師來問以詩奉答並東時

帆學士

法式善二首

宿鷺拳汀鶴傍霄白頭原父又還朝奉常齋禁黃蘗在

京尹騶呼紫陌遙

時君由太常移領京兆

度嶺文傳南海廟過江

書問廣陵潮報

恩寵了應廻首盡裏家山長藥苗

買山無計室空懸我便無山閉戶眠涉世怕隨珠履客
持家苦講畫叉錢洞庭疎雨春携屐茶磨孤雲冷叩船
京洛故人消息斷詩龕今有幾詩編

題沈綺雲

恕

柳波銷夏圖四首

暑風不遣度花關，略有清陰水石閒。
深柳一灣書半檻，乍迴詩夢小夷山。

輕衫團扇人如玉，脆蘂清箏月似弦。
記得水亭同一醉，

惘然如昨忽多年。

謂往歲集飲北郭園亭事

料檢新收併舊刊，筆山樓

綺雲所居

作沈樓看，逕思遍借藏

書讀。壬癸籤分甲乙觀。

艇喚瓜皮我欲東，健帆來趁碧榆風。
僧家結夏非無例，筆錄重追退谷翁。

聞邵埭水決寄示小子嘉福

舊憂清水弱，比苦清水強。屢導河入湖，莫議清敵黃。
當

事亟目前長策在隄防如釜易如槃專力灌淮揚一朝
隄蟻潰岡陵困懷襄汝居邵伯埭四顧皆水鄉學藝姑
就此豈謂居之良昨有使君書謂談嵒華觀察述事覲縷詳漲
增一丈八方來勢汪洋今茲果聞耗埭北轟頽牆男女
雁鶩遊井竈黿魚翔蓬鬆露水面屋背青垂楊汝居僅
未湮門側繫舟航且喜報安穩情知受驚惶汝年十有
七不久備戎行承

恩自髫髻教汝敢不夔習勞蚤則慣涉境幼難忘卻期
汝閱歷不恤汝淒涼割情遣汝去焉知履倉皇駕筏援
沉溺懷餅棹飢荒瘡痍經目覩擾攘到躬勦胡寧弗汝

念願汝艱苦嘗患難豈無益造次正有方承平積恬熙
韎韐久無光將領半如瓠士盜雀鼠糧汝父昔憤此奮
起爲國殤吾衰甘退隱平生一剛腸嫉惡坐太嚴忤物
遭謗傷然而不可悔忠直要自將念無簞金貽學又非
青緗何能求換職與汝易冠裳終須屬橐鞬安可悅膏
梁筋骸會百鍊變故庶一當勤由此時肆用或異日償
勉之顛沛中以愜二父望

東遊渡澱湖

一筇秋興外雙櫓澱湖潯野樹露奇骨滄波寫去心平
生足風水嚮晚託山林老鐵今何處寥寥鐵篴音

重過三泖漁莊

依然水竹鄭公廬
絮酒重來問故居
棄宅未能償負帑
賣田先已爲刊書
金鑒唱徹狼曠外
石墨編成蠹蝕餘
不少後生勞獎詡
秋風門巷幾停車

遊橫雲作

九峰少小熟還往
比官華亭凡五年
橫雲之山不一至
至輒以事事已旋
今來無官又無事
芒屨竹杖身飄然
從行況有二三子
扶我涉險誇輕便
平郊蒼莽露阡術
仄徑犂确尋涯巔
舉頭翠壁竦丹壑
側趾敗瓦堆殘甃
土膚不華石骨瘦
澗草欲濕巖花燃
荷心半卷淺帖地

松力自健高參天宿雲菴傍棲夜鶻

故張尚書別業

含清堂裏

啼秋蟬

故王尚書別業

涼臺燠館賸危構祠文墓記埋荒塹兩

家盛衰一俛仰山月終古相嬋娟撫今悼往默自語買

山何必憂無錢綱屐判教此生著一壑安用吾家專時

情世態苟不到乖厓醜石皆奇妍諸子試携茶具住老

夫請借蒲團眠晚風漁榔鳴下上落日僧磬敲清圓似

無非無雲際塢欲斷不斷墟中煙行厨有酒且須醉秉

燭未可呼廻船

乘月登宿雲鳴

落霞乍還舟乘月復登岸露網炯懸珠煙鼓暗張幔蟲

聲相應和人影互零亂山扉敞莫扃磻梁豁垂斷谿舂
阻交錯迤邐徑屢換投瓦響枯荷騎石捫古榦棲松老
鶻驚入竹蒼鼠竄屈戌叩僧窗圓蒲借佛案藉草列壺
觴携蔬謝厨爨攬衣月華流挂樹星燈燦周圍蔭櫨櫨
空濶俯河漢左右坐團圞淺深杯爛漫慨然生有涯快
矣飲無算古今相代謝儵忽逮離判何妨荷鋪遊未許
當食歎不見公卿墳莫禁牛羊散祠壁久重泥墓碑已
分段平居華屋人須就荒山看漸衰心易感劇醉語多
闌及茲秋蟀吟試與夜鶴旦

汎泖抵小金山

我過金山不躋攀渡泖却來小金山片席淩晨挂煙霧
廻帆稍見中流樹樹色冥濛映初日寺墻紅從柳梢出
入寺登樓俯千頃樓前仿佛江天景所苦年來海潮惡
中夜潮聲到樓腳承平水利講不詳泖波綠變江波黃
按記尋碑了莫見半作橋欄半臺殿亦有山僧喜募文
磨去前人換後人人生自古壽不百鑄金易銷乃刻石
石刻難憑竟如此何況區區託煙楮

重過北郭古倪園

屢憶揮觴坐還來倚杖吟圓荷仍傍檻野竹亦成林鶴
子添新柴鸚哥記熟音詩留三過迹人謝十年心

過西郊塿射園悼其古籐寄趙味辛司馬懷玉和
之有序

泖東古籐無過塿射園者數百年物也何時爲風
雨拔去因記八年前自華亭入京趙味辛方在內
閣爲中書舍人見余輒問塿射老籐猶在乎余爲
之報無恙今余再至籐已就化有憶前事故作詩

寄趙兼示園主人張悔堂訓導興載遠春孝廉興

鏞及孝廉之子茂才公璠

飛鴻堂前古梅樹少日見之今化去塿射園中一古籐
壯歲所見今龍騰物情自古人自今汝獨古貌留古心

今人古貌孰相許世間無日無風雨風雨倉皇事不期
莊生委蛻理難知何況剡工常滿地元輿別具傷心事
我向泖東往復還坐看古物如雲煙當時輦下趙明誠
平安問訊多古情昔與告存今告沒會有新詩同慨惻
有寫李長吉呼龍耕煙種瑤草詩意爲圖者持其
卷求題與作四絕句

一耜鋤開碧海春爛柯仿佛記前身僊家不讀齊民術
多少人閒種橘人

稚川方法講餐芝蘭以膏林自楚辭採取芝蘭無量苦
長生天裏傍瑤池

渥洼有種卽龍湫雲陣驅來戰伐秋秦蜀兵銷今莫用
聽君呼去當耕牛

不見麻姑五百年天庭樹藝訣誰傳乞將一握金光草
化作桑田萬萬千

三宿齋雜題十首

有序

前年冬余嘗至此適會門人沈恕綺雲自北郭移
居城內爲留三日而去臨去題其新屋小齋曰三
宿齋今者綺雲復爲余設榻其中次第招尋舊遊
皆來相見盤桓信宿忽焉彌月中閒有作歸而蒼
錄爲雜題云

三宿已陳迹重過如舊鄉前題銀杏勝新飲碧荷觴桑

下聞留誠花閒約趁涼名樓記來仲餘趾話斜陽

此開超果

寺舊有來仲樓爲陳仲醇

繼儒而作董文敏有記

放櫂期難準開帆到亦俄倦遊詩債積禁病藥方多慊

慨吾猶昔文章世謂何貴游疎索盡尋爾一高歌

閉戶亭池暇虛房几硯清葢花疎著蕊窗竹矮抽萌白

裕羊求侶青霞稽阮情往來無定候侵夜玉河明

笠屐傳坡老人家畫放翁古賢何可擬勝趣偶然同託

興兼山水尋秋合冠童橫雲留雅集題壁媿南宮

時綺雲欲

寫留余像因與諸同人合作橫雲
秋興圖長卷遂并其六歲子繪焉

太息鴻堂帖今同鳥篆書墨稜磨欲盡紅目贗非初蟬

翼翻新搗蠅頭證舊儲姑教存故物數典述鄉閭戲鴻堂舊

石漫漶今歸綺雲方加精拓余爲題紀行世

寥落三文敏風流五百年銀鉤餘點畫石墨散留傳次

第來無價蒐羅契有緣非君能好事遺迹肯珠聯綺雲收得

趙董張三家石刻今合爲三文敏石墨叢編以行

似儻梅家子謂梅生春閒居時下惟收書從我好頌酒見天

姿漢學世所尙唐文人莫知願持賈孔義追取馬班辭

昔試皆何武謂錢生容張生公璠輩今來老鄭虔諸生誰獨角先

輩又重泉謂蒲褐老人隱几經綸具關門筆牘傳却思牧菴

子

此來獨未見姚春
木椿會其遊浙

未返剡溪船

有美無人畫金釵黥不光天留改生筆

謂改七
薌琦

屏幃下

娥皇周昉風神在仇英界畫忘暇時煩點染異日愜收
藏

風雨番番過招攜續續來歸鴉楓樹晚吹蛤稻花開設
客魚鰕費求書絹素堆檣頭船子喚載月我當迴

歸舟望柳塢

峭帆重與剪斜曛風穩中流滑笏紋塢有四層深擁樹
山無一桁迴堆雲鷗眠鷺起閒誰問柳綠葭蒼遠不分
春泛太湖秋泛柳新詩狼藉到書裙

重之揚州過京江弔郭五舍人

莖

一昔江樓共酒卮柴門相過未移時
魁梧軀幹猶如在
溫雅平生自可思古驛峭帆今夜雨
深燈聽雪隔年詩
到門卻作驢鳴去此意重泉儻得知

題伊墨卿太守晚梅圖

我自蹉跎慣後時君來東閣亦何遲
半生心事梅花共
說與春風總不知

丁卯

單竹軒治中

渠

梅月泛舟圖三首

有序

圖竹軒未出山時所作以姬人並載比自揚州告

歸始以示余去作圖十有四年矣

出岫雲歸戀舊峯畫中人自認前蹤扁舟又載揚州月
來聽寒山半夜鐘

青鞵縞袂靜相攜月上肩來寫影齊莫訝神僊留眷屬
花閒翠羽也雙棲

天畔輕雲墮妙鬢前塵如夢水潺湲而今不負還山約
真个和花住一山

唐陶山刺史作不如歸去圖畫子規數百其間而
自擬禽言于後持示索詩爲題三絕句

百舌曉晴畫錦坊鶯鶯燕燕各春光雪衣且向金籠坐

門草輸羸看幾場

老鴉種麥熟何年凍雀爭枝鬧隔煙莫羨鳬翁閒得好
風波無恙亦華顛

嬌雲依岫水知還客有歸山更出山一鶴至今寒不語
獨隨孤月守柴關

題同年李虎觀郡丞

邦燮

梅梁漁隱圖

我家本洞庭垂老始著屐閒登莫釐巔雲物蕩胷臆七
十有二峯浮浮獻蒼碧梅梁望見之未及踐遊跼獨嘗
食其魚號曰蒔裏白中多打魚舟指點煙波隔亦有賣
魚翁披蓑上街陌君今寫爲圖風景肖幽僻君才世所

需未許隱山澤偶爲莼鱸思託趣從所適吾甘老湖濱
熟究湖故實湖中大桅船鴟夷所遺迹其民皆水耕子
孫安汎宅嫁娶類朱陳世界湖中畫無風船不行勢亦
難爲賊川虞政莫詳敵人久失職徒因旁小舟逋竄容
龐雜搖櫓或沿緣胠篋慣投隙遂貽有司憂編管隸符
籍地遠官不來柄持付胥役黠者賄公行愿者聽稽覈
有時妄追呼非意遭擣撫茫茫三萬頃身世轉偪仄搜
求到淳良竊盜翻充斥官但閉門愁吏醉色自得倘令
天隨子茶竈此攜席魚經注未終其筆當屢擲君若隱
其間惶惑更跼踖雖然今吏治高下用一式豈惟湖之

漁旁推例可識他時出治民權宜默消息君隱未有期
吾詩意須繹

青浦圓津菴僧覺銘求題金山受具圖二首

往尋蒲褐老曾過墨華禪地枕橋邊市樓懸鏡裏天將
詩當佛偈以畫作家傳更發叅方興江頭喚渡船
故事金山在前賢玉帶留燒豬詩縱好看特問難酬一
盃隨身去孤筇稱意遊歸來禪誦暇僧史定重修

淵雅堂編年詩藁卷十九

長洲王芑孫念豐

已巳

題族叔父虹亭

申伯

五湖歸艇圖四首

黃塵烏帽幾何年
萬里歸心坐渺然
昨夜桃花新漲發
門前豈少楸頭船

書傳鄉驛附江梅
獨鶴清宵冷啄苔
爲說當時親種橘
經霜紅上屋山來

已覺腰笭勝佩琚
未應河鯉敵江魚
肯將洛下伽藍記
換取天隨笠澤書

二疏情話一家人南阮先歸不厭貧何日相從竹林下
茶經同譜碧螺春

族弟芸巖

仲灌

種松圖

種柑成老壽種菜閉英雄子今獨何爲託意在種松松
有千歲資種者一日功非無棟梁質猶在拱把中要當
與扶植勿聽翳蒿蓬場師養槭棘血指悔匆匆翻愛董
澤蒲堪蔭畝堵宮歲寒寧所恤聊取易爲工坐令牛山
木長負雨露濃子職佐宣房斬竹力所供徒爭旦夕效
有慨出深衷欲培霜雪根以待匠石逢不材老樗散拳
曲臥牆東期子柱清廟養成冰壑容無爲二千石又羨

十八公

奉答陶山見示四首並東坦園太守

五泰

聽鼓曾經共曳裾追尋往事十年餘澤中有雉飛還止
網外無魚密更疏孤櫂藥鑪君善病深燈雪屋我耽書
當塗各袖旁觀手孰與呻吟問里閭

奏減浮糧積幾傳文襄文正各當年詔今屢禁無名

稅吏自私收助役錢鼠有不薰寧礙社馬方要駕更加

鞭東南本計蘇松最定識殷憂在二賢

謂君與坦園

朝來有客到書囊

余故人閩黃君對揚適來過此

喜上眉端靖海氛降

賊五千新解甲

黃君與清觀察入海招朱潰之弟渥餘黨五千人就撫

鄉兵八百

舊成軍

黃前以臺灣訓導領鄉兵八百與平蔡牽功擢廣西知縣

從容閩外誰開府

慷慨尊前一廣文
齎盜餘糧猶萬斛
不知臺吏欲何云
平生撫髀幾軒昂
此日寒蟲共蟄藏
病後堅除葭藥費
貧中彌覺菜根香
諸公袞袞匡時略
老我區區辟惡方
歲與春來君亦健
同將白髮惜年光

前侍郎李鶴峯

因培

遺像

嗟公起炎徼
天荒破完璞
百駑駘騏驎
萬鳥覩驚驚
持衡遍東南
蒐材盡械撲
羣訝藻績紛
無奈氣雄獨
時戢頭上冠
肯畫紙尾諾
士流或遭黜
吏牘常苦駁
率真泯周防
嫉惡類嚴酷
世久熟夸毗
誰容獻牙角
遂以陽子

剛坐下鄒生獄功名雖不終文采良自足風流前輩傳
科第後賢續毀譽久而平行義徐可錄再世寓浮萍百
年等風燭易乾主乎剛夕惕謹無欲坤動直以方柔順
固所勛試參過去因更與將來告

題佑之方伯

慶保

畫蝶卷子三首

草衣木食自生平偶露文章世已驚聞道使君今有筆
飛來牆腳弄春晴

迴首春明舊話長傳看粉本小滕王前游倏似經秋蝶

聚散花陰夢一場

往在京師伊墨卿以公所畫黑蝶屬余題句孫淵如題公畫扇下直過余

自述其句不勝得意
忽忽皆二十年矣

相公遺迹遍江城公子重來妙寫生吳下女兒添繡譜
新傳好樣上紗棚

歲交用昔歲京師自述舊韻二首

十載歸田自在身茅檐剛遇歲朝春祥雲覆瓦棲殘臘
仙木沿街換嚮晨垂老有名翻是累終年無債不妨貧
海氛漸靖農收熟民氣東南會一新

晴泥濺陌滑軒車邨舫輸糧凍隔渠太守頒春來致問
謂坦園病夫守歲坐繡書梅應似我寒無伴鶴有隨人瘦
自如何待出家尋破衲吉祥先止室空虛

庚午

開正五日榕皋見示除夕元旦之作依韻和之
二首

閒中歲月亦如馳把卷銷寒燭換枝晚悔漸增攻媿力
早休已恨讀書遲佛仙苦判飛沈想莊列平參大小知
試問先生方學易畫前無卦著何辭

君方讀易余方讀列子一書

樓雪融城阻隔闌朝來投我句清新溫經自抱寒門業
冷筆先迴暖谷春幾輩忙因酬謁客吾儕窮不賽錢神
銀花綵勝家家樂老學庵中樂最真

穀日自述二首

穀旦今朝是風詩述我辰間關從小歲憂患賸孤身兒

女人間世湖山物外春願聞官政美里俗亦還淳

自訟猶前志無憑倚昔賢避人成獨學訪道趁餘年文

總千家例

余方作碑版廣例一書未了

詩分卅載編

余詩集編年起十七歲至是四

十年矣

罍中收納去傳否且由天

對窖花有作

水仙蘭草凍難抽牆角寒梅生暮愁惟有絳桃今得意

著緋先上百花頭

題陳樹齋將軍

大用

聽雨圖四首圖在浙江提督

時作

茅堂深覆竹葱蘢快雨連番瀉玉淙此日無兵寧待洗

倚窗心事在三農

雨東殘墨尚依稀舊夢重尋事總非喜雨詩成傳寫去
當時越女繡弓衣

泊宅來牽岸上舟路人爭指種瓜侯吳孃莫唱瀟瀟曲
名將于今正白頭

渡柳差池歲幾何

余與公先後渡柳在官時未及相接

歸日翻許伴煙蘿

相將同聽滄浪雨各向漁家借一簑

題姚雲東書張貞居畫策殘卷四絕句

外史昇僊逸史存數行殘墨拂塵昏雲東又逐雲飛去
有幾英雄肯閉門

舉世紛紛喫飯難
暫憑風露覓朝餐
一官綫許吾拋却
怕說人人會做官

雲東自題有
余不會做官
乃附隱逸語

幾甕釐原夙世因
白鹽赤米一家春
荷鋤無力身垂老
菜把平生也累人

食肉人間自一流
園官歲饉價難酬
老夫此味當誰共
獨樂時時更獨憂

秋窻自述用權文公體

歸田仰天食居山
簡人事陋巷雖寒
貧秋景春不啻行
藥任敖遊繙書懷
素嗜今文同所趨
古紀信彌至雅鄭
衆誰分山林逋物
議杜詩與韓文翼
奉疏廣義虛車千

秋戒探索靖厥志此意直不疑勿顧榮華棄

久不得伊墨卿

秉綬

消息一詩寄訊

墓碑已寄書不返賓鴻飛斷聞天遠聞君又奉偏親疾
卜葬荒山足雙蘭士夫今日喜歸田歸田未久憂無飯
知君蠶粟餘幾何多恐出山來早晚

附丁卯失怙荷承鉅卿良執羣爲傳志墓道之文服
闕後乃得攄悃陳謝並誌溯懷四首

寧化

伊秉綬

墨卿

北平勤著錄今之洪景廬景廬所未詳赤水搜元珠
剖析晉唐迹典核到綦銖而其碑版文特以大筆濡

先子一生學苦心抱區區公揭其淵微示後審不誣
旣追班史傳兼垂永興書賤子嗜金石亦曰公之徒
昂之儀禮學猥云道不孤採教繼公說補楊信齋圖
卽喪服一篇心疚淚眼枯惟應祝公健九十風雨劬
翁覃溪先生

先生在郎署獨兼四庫勤所以於先子同省職則分
職分道固合所造成溫醇遺榮作經師已歷三十春
龍眠好山色望冠東南人北征我初謁勸我便抽身
或仍趨畫省語郡雙眉顰受

恩復何易愧無益於民先子來揚州二老隔江雲方

將圖合并乃託志墓文一言壽千載來者知德鄰姚
姬傳先生

歐陽遇仁宗立朝刻求退譬如西山秋聳翠白雲外
名卿富經術萬家資紀載中誠結

主知道直息羣啄誰能槐棘班不忘苔岑愛銘先子
幽宮一字一泣拜袞榮寄大集道腴仰風裁關河歸
路春恩禮近臣最紅橋陪仙舟此景庸可再秦小峴
先生

長安交遊者不患無多聞所少惟直諒輒媚同一羣
鐵夫剛如鐵愚棄智則親壽世尊與壘不朽非艾銀

趨東江與河薄蝕非星辰君學本綜博百鍊歸一醇
折衷於仁義律人如律身怪彼短悍姿雄直氣必伸
交君苦藥石先子聞之欣終資大手筆刻石光貞珉
空山百不念良友時思存昌黎歎早衰徂徠甘長貧
一編淵雅集懷哉後世人

王鐵夫先生

江鐵君沅出其先人補僧遺像屬題爲作四絕句

肯逐無涯送有涯儒衣未脫換僧鞋不知靈運生天後
補處今登第幾階

一麻半菽自孤清更結新因證夙盟留得龐家風味在
鴻妻驥子話無生

風華滿眼一身秋
蒲褐隨緣小自由
已說心空當及第
試尋果位比封侯

出沒人間歲易闌
西華依舊繼清寒
我將一語從君轉
未做僧時且做官

汪西邨

大經

戴笠遺像

我讀君詩序以文
君昔來謝口自陳
此文肖寫何逼真
寫聲寫貌兼寫神
俾後世想見其人
吾死不憂墜無聞
不煩銘誌更追論
言猶在耳飄乘雲
日月雙碾天邊輪
隙駒蛇壑相趨奔
披圖重見戴笠身
呼之不謾忽九原
我欲載筆無可云
却撚白髭嗟久存
夜臺多少平生親

書其前語悲霑巾烏庠悲豈獨在君

寄題華亭二周生菊人

行瑤泉道

昆季看山讀畫

樓三首

小樓圍繞畫屏中溫卷新增講菽功
夏課正隨潮下上宵燈不判解西東

樓頭有價人雙玉郭外無田畝一金
柿葉寫書今日事芝泥鐫篆古風尋

鐵篷吹殘五百年老夫來去亦飄然
他時倘作登樓賦

也抵湖光山色篇

鐵厓集有題湖光山色樓詩

枇杷花四首

梅有見於經以實不以花偶緣花最先流詠起詩魔
杞亦常果薦暑等浮瓜誰從百妍外披裘看紛葩
蹇蹇抱冬心其藥乃在秋菊華汝亦華菊盡汝孤留亭
皋遍落葉歲宴孰相求衡茅有真隱萬古同一幽

晚晚不成花肯邀蜂蝶至蜂蝶趁冬暄飛飛儼相慰
試問百花叢誰周四時氣世間食蜜人寧知汝有味
一白賁无色香亦何所著獨將天地心自與風霜託
來歲實登盤更作冰丸嚼酸寒久共嗤消渴保勿藥

外兄宋雙松刺史

鑑

出其先世學士

大業

所自題

舊藏聖教序帖帖後附學士康熙中塞上運糧圖

并雙松滇黔行役圖爲作四絕句

楹帖家藏十字工擘窠清峭晉人風欲尋法乳從來處

曾禿千豪聖教中

余家有學士爲先曾祖書楹帖十字筆法極工

翰林絕塞春飛粟

時以青海未平學士自請運糧

學士京江夜築城

謂

鄉惠半農學士

當日詞臣多故事併將餘話入書評

舊門簪笏尙蟬聯六詔江山付一鞭歸撫雙松身老健

更驅欵段學行田

謝公述德詩篇在岳氏精忠譜牒殘蟬翼蛛絲幾行墨

須當宰相世家看

對雪寄酬董琴南編修

國華

兼訊劉芙初

嗣緒

顧

南雅

蘇

徐少鶴

題

陶鳧香

梁

諸翰林并少鶴之弟

穎

錢同人孝廉

侗

四首

臥疴忽三載久斷長安書有來亦弗報及此日月除空
山多雨雪抱獨成老夫屈指海內交往者不可呼存者
若殘棋落落天一隅古道幾升墜其墜有與扶文者道
之苗英絕世豈無而我竟衰白閉戶常自孤京居劇人
事裘馬相奔趨念子玉堂寒歲暮今何如

子自承明廬惠問山中客枉詩致纏綿餘話追疇昔謂
言芳草堂當日一畝宅悉來天下士爭據五花席文酒
極淋漓醉墨在牆壁自我去京來風流稍寥閬讀之增

我悲舊夢費尋繹華屋更山邱存亡隔南北人才輩相
高出處各努力子如執牛耳羣雅半鄉國

默數鄉國才聯蹕登禁庀劉向新校書唐文究原委

初

方與纂全唐文

二徐皆挺特長公富書史季也筆蒼然應舉今

何似

兄弟

陶家慣烹雪莫羨羊羔美

香

却虞顧虎頭一

麾將外徙

南雅方以察薦

昨傳京兆書快哉得錢起

同人

適會祭

酒來

謂穀人

掀髯共一喜

諸君聚輦轂何異居家鄉吾今謝招延甘老一匡牀有
書堪送目有子門戶當身家豈足念時事轉難忘河渠
獄方急父老憂漕糧米貴官更喜穀賤農又傷吏惡不

可訶節鉞相翱翔誰能講廉善速效思趙張何人真許
國披心露堂堂讀書當有獻其末乃辭章

有餉何首烏者作詩自嘲

世人求金我求藥臧穀亡羊兩堪譴朝來忽接六安書
有僮念我今白鬚刷得交藤遠包送擲地鏗然大斤重
所嗟菌蠢異瓜肥獨雄無雌喪其妃沙甌爛鬻銀刀切
畏忌烏金古醫說却愁入腹轉煙消老鐵心肝渾是鐵

除夕書意

茅檐低壓三朝雪庭樹捎窻凍欲折豐年有兆邨農喜
爆竹喧喧遍鄰里兒童相逐打灰堆太守

陶山方攝亦
郡於此

送新詩來擁鑪把燭空齋靜我與梅花共孤冷每當歲
暮感存亡宿草天涯送愁迴一笑人生矢注弦修短隨
化皆流泉得爲後死豈非幸援筆更寫其人傳時方序
亡友何
蘭士遺詩并作
諸故人墓銘韓杜從來未六十太白東坡未登七吾
此居然五十六壽逾王粲兼王弼好作逍遙物外人嚮
來憂樂不須論椒花栢子新年事又借天家一度春
辛未

題佑之方伯慶保指寫蝴蝶

風騷及爾雅疏錄不到蝶後來詩畫家極意彌此闕傳
自小滕王摹寫盡毫髮指墨獨未聞高傳初得訣誰有

翩翩心貌茲栩栩活使君手生春毛錐棄不屑以指喻
非指生機洞披豁化作漆園莊法有現身說昔聞雉皋
令愛蝶愛入骨其民犯科條輸蝶輒免罰民乃爭輸之
五五更十十暇從高處放爛若錦繡窟方今吏催科狼
戾萬倉粒父老相與憂宰官定何悅欲爲輸蝶計花間
凍猶蟄公如一彈指粲矣仙裘裂

題陶山鬢絲禪榻圖

我久依禪榻君今亦鬢絲頻移謝公郡仍唱白家詩世
事飛花過心情落絮知入山渾未得蒲褐有前期

題沈綺雲迎東雙載圖四首

有序

嘉慶己巳之歲以故曹司城季女蘭秀歸雲間沈氏其年十月老妻送女東下與沈子綺雲成婚明年四月蘭秀返馬雙雙而至盤桓舫齋彌月乃去於是玉壺外史爲作是圖圖既精絕而寫像畢肖外史落筆兼唐仇兩家之勝異日必傳於後輒題短句貽示方來

劉綱夫婦總神仙我亦銀河舊有篇忽忽髭鬚都白盡看他玉鏡向人圓

草種宜男祀祝禰春深昨夜孕珠胎正當緩緩開花處恰便雙雙載月來

缺瓜船子卽行窩
婉變昆山路幾何
喚取樵青與菱角
趁潮西去訪漚波

孰驚打鴨孰乘鸞
選壻渾如選佛難
今日老夫須一醉
種花開作並頭蘭

題綺雲靜好樓圖四首

有序

綺雲北郭所居有樓
余同年孫淵如篆其
榜曰靜好樓
余爲之銘已而蘭秀
往歸相與絃詩讀畫
其中作圖紀事
余亦題詩助喜而終
之以無已太康之誠云

樓上書牀雜鏡奩
滿樓風月乍鉤簾
雙星如影天邊宿

夜夜窺人傍畫檐

紅羅斗帳繡燈幢
篆鼎雲生玉女窗
不獨鴛鴦滿池浴
飛來小鳥總成雙

眉紋硯子潤煙煤
殺粉調鉛日幾回
妾解寫生郎解賦
好花無數筆端開

一夢遊仙沈下賢
小敷環珮半人天
試將秦女乘鸞扇
寫取齊風弋雁篇

題楊廣文

廷棐

濯足圖

插脚塵埃中何處放高躅
濡首不自知邊暇顧吾足
非無萬里流已費三薰沐
所以古賢豪脫屣去之速
君一

秀才官繞階種苜蓿所慕本非羶有撓無可濁誰來嗅
脚汗雙趾踏寒綠得非息以踵聊欲完其玉猶防滑滑
泥願濯潺潺瀑洗心待藏密洗耳怕流俗士有抱膝吟
儒以澡身曷自然韞繫解暫謝巾屨束鄙人蚤歸田秧
馬騎久熟霑塗豈敢辭胼胝了忘惡甘從龜曳尾略比
鵠不浴

揚州雜述十二首

有序

比以嘉福詣 闕送之北上過揚州會當春閨芍
藥未開與門人汪孝廉榮光汎舟湖上感舊懷人
隨事有作不復詮次云

不到平山漫五年平山風月故依然前游偶作漁洋住
往夢誰將杜牧傳余今不到揚州者五年與襄陽同前
此居揚歲月與漁洋同凡往來其間
者十年與
牧之同

尺五樓頭花事繁吹花風已過連番米囊晚出叢叢甚
自作低昂開一園

芍藥經寒未騁姿不妨來早勝來遲老夫慣有飛花感
怕見濃春爛漫時

題襟去後更何人解道尋花向水濱記得篠園來賞雨

一宵翦盡萬家春

陽人翦芍藥貯筒以水灌之埋筒入
花叢中與眞花相錯亂或花未盛則

翦他處之先開者或花已殘又翦他處之後落者爲
之故花事最久往歲賓客召客賞雨篠園曾有此事

高詠傳花醉碧筩狂奴誰似北江洪世人儘議容齋筆

青史他年看此公

雅存嘗痛飲
高詠樓下

前度劉郎頌酒癡當花輒揖酹花卮自從撲面塵中去

不寄桃花一句詩

謂劉
松嵐

綠楊城郭自年年溝水東西客惘然憶煞墨卿同灑墨

九枝燈下十番船

謂墨
卿

屏風九疊望香鑪天畔張星好在無定被遠公邀入社

斷無消息到潛夫

謂古餘今
在江西

海燕飛飛去復回舞樓吟榭長新苔嬌花寵柳渾無數

猶傍欹牆稱意開

昨向樗園訪舊寮草廬無恙話連朝巢痕未掃前題在

破墨塵昏舊綠條

余所寓樗園竹屋嘗易其題曰綠條山館今吳穀人居之題榜尙存

宿雨纔過水蕩虛懸簷曬網遍溪漁桃花庵外桃花落

一个殘僧要乞書

是日桃花庵僧以紙乞書

世態風疏更雨斜青鞋人健鬢添華從游賸有汪倫在

野飯相將問酒家

謂孝廉榮光

和唐陶山海石堂八詠

有序

陶山權守雲間因記其守居園池作海石堂八詠

其海石堂之南有高齋焉昔日寄舫今日虛舟余

四十年前讀書處也斯世往來之感彼家童耄之

觀一時交集屬筆和之亦爲此卷增故事爾

怪石

古云太守廉乃有海石見此石百餘年所閱幾廉善問
石石無言父老從旁歎

枯桐

我昔讀書時桐陰正遮屋時聞打瓦聲桐花下簇簇榮
枯一轉瞬吾鬢已非綠

赤壁

賦自東坡傳又經松雪書其人各安往陳迹徒區區惟
有夢中鶴萬古翔太虛

虛舟

當時名寄舫此日號虛舟白頭餘夢想青燈此淹留後
來誰好事題作仲宣樓

竹沼

寒篁夜相語淨淥春有紋生機發新慨故吾成舊聞當
年澤无水況欲揖此君

桃蹊

黃梅皆羽化絳桃忽飛來世往物相代春至花自開我
如前度劉君非去年崔

薜蘿

老夫閉門居庭下護石髮猶有著屐來踏破到倉猝君
未脫朝鞢須怕金階滑

籐架

前無籐花架但見木香棚略如春蚓蟠那便臥龍驚憶
我慘綠年知君借紫情

族叔祖雲庵

世登

五十壽言四首

嵩麓一畝宅洞庭兩點煙牀留鄭公笏塔寫敬客甌耕
漁似盤谷花木溯平泉公今誦清芬可以承我先
夜箏盱眙市春屐白門柳牽車古所云嚮畚今亦有力
勤心轉閒用儉家常富公今敦素尙可以裕我後

漢石紀伯本唐賢頌司空達觀荆生曠追孝加崇封更
將烏哺心耐此牛眠宮公今舒曠度可以令我終
萍采長生花菊綴延齡藥學易感居諸稱詩徵覽揆介
觴賓客懽舞綵兒童喜公今備諸福可以完我始

喜家儕嶠同年

蘇

枉過草堂

無伴相求意自孤
峭帆來此共歌呼
入門互看新顏鬢
掃榻依然舊屋廬
往夢醉醒皆感慨
晚塗出處屢躊躇
夜窗翦燭幢幢雨
酒酸全疏對茗壺

時余與君皆以病止酒

附來詩

江陰

王

蘇

儕嶠

片帆溼朝煙
雙屐響暮雨
長橋臨短巷
識君舊居處

卅載重登堂喜色上眉宇我早鬢毛蒼君更面目古
未暇敘溫涼情慙已先吐嶄然三男子呼我作季父
記別長公時象勺方習舞問之久受室豈特長齊戶
次公更昂藏翁歸備文武幼者別後生弟子員已補
兒輩各森森那不老翁姥嗟我賦命薄半生困塵土
勞勞握郡符汲汲趨官鼓今雖暫蕭閒終恐罹患苦
苦饑兼苦畏背若負齟齬先生閉門居道心入文府
隻字超鴻儒一目睨貪賈江頭故人來情話出肺腑
自謂出世人諸務不聞覩及談當世事又復增鼓弩
我病本非貧公相正在怒所恨我與公蹤跡恆間阻

中宵雨聲急涼意動蠟炬百憂從中來腸胃沸如煮
視子儼生天悲我死無數馬偶脫羈勒魚終觸網罟
明知甑已墜不顧鼠先腐於意竟何云出處不自主
幸息一須臾且復尋故侶歸家掃竹榻待子來消暑

和尤春樊同年

興詩

東坡生日詩用和陶飲酒詩

韻二首

坡往不復作奎垣自精英至人常不死千載覩其情頻
持守口戒輒又懸河傾官無富韓貴文與歐曾鳴一別
七百年恍然若平生

松柏互相悅蒲柳奈其姿吾年五十七衰颯霜中枝惟

有命磨蝎與坡同一奇諸君詩力勝益我將奚爲辭
不護命病頽加鞭羈

辛未歲除自述

徂年同一悲衰壯易其情昔憂此赴壑常恐隳修名今
甘蟄坏戶落日已在楹力田苟無饑敝褐我自榮一兒

新抱子

嘉祥舉雄

一兒補諸生

嘉祿

一兒把麾去江海擁專城

嘉福方掘篆靖江

曩賢娛目前吾又欲何營歲除冰雪解風雨

劇縱橫閒門斷剝啄陋巷寡逢迎較量百年樂坐享一
味清正好讀我書秉燭燒短檠

淵雅堂編年詩藁卷十九終

淵雅堂編年詩藁卷二十

長洲王芑孫念豐

壬申

以明繡達摩展經圖往壽小峴侍郎題詩志意四

首

達摩面壁人文字非其指云何隨世轉亦欲鑽故紙
蠶絲吐春餘鴛鍼停午倦誰知補袞心完此繡佛願
仙常守其鼎佛自打我鐘從古仙佛儒多在山林中
公今老山林卷軸乃日富普與有情流共成無量壽

題澄谷上人

際風

吾與庵圖卷

往時尺木子寄我理安碑爲述武林事因聞澄谷師故人今宿草新築又茅茨何日尋山去登樓與論詩

題任文田

兆麟

像卷四首

任君弱冠游託契誠最早吾行久四方中間跡如掃衰
倦比歸來君亦著書老相將話前夢顧影感華皓

君雖隱巖穴經訓熟周漢輯之爲述紀墜帙網其散奉
持古尊罍羅列今几案後生食其餘筆舌驟璀璨

我今如立柴君亦瘦于菊蠹書安得飽齋厨各無肉聞
君有良子庶解致魚菽一笑百年身石田晚登穀

鄉閭多少俊酷喜嗤老生老生甘閉戶謝客凜孤清君

何收衆棄欸欸申昔情攜圖邀著句聊與志平生

松江夏茂才

汝鈔

求作瑞獅詩

有序

夏氏之墓有木癭如獅其子弟後先試補諸生遂以爲瑞未幾所謂獅者誤爲舟人挂篙而脫矣寫其圖一再求題敦趣不已作此示之

吾聞木有癭與石暈爲類猶之士文章是病非其利始焉若贅旒久之如抱珥偶然形似間輒復加褒異傳會謂之獅揣摩名以瑞或云宰木拱夏氏葬得地或云夏氏子後先捷其試推尋兆禎祥轉輾出思議吾昔吏澤宮遍接諸昆季意是梗楠才冀成瑚璉器試捷何足云

願任棟梁寄悅學研諸心禪躬昌厥志日月相邁征出
處爭行誼方且化爲麟騶虞樂官備又將翾爲鳳鳴盛
高岡嗣就令眞獅出驅之施佛寺俾供文殊坐等彼牛
穿鼻而況拉朽餘已隨槩株棄福謙有貞符物變奚其
至我詩非譎言乃眞瑞應記

甘節婦詩

世有多牛翁租書篋其櫝六親莫得窺安覲分斗斛義
田與祠產聞見遂不數何哉甘家婦樹義乃特卓其嫁
凡五年所天違不祿生女苦非男十指寄餽粥嗣子又
失之傍徨禦冬蓄負郭二十畝滌塲歲登穀半以奉姑

餐以半蠲諸族完節廿八秋不待懷清樂婦旣旌于朝
節概良已暴節者人所同義乃婦所獨吾今歌其義豈
惟彤史告

送考崑山示少子嘉祿

諸生亦人海輩輩遞出沒從來騏驥姿混此魚龍窟寶
藏閼深湛光怪露倉猝不勝牛毛繁始訝麟角突昔我
弱冠年辛苦此勃率頗邀諸鉅公把卷詫英絕豈知大
不然孤進老覲覲汝今來更蚤舞象未束髮憶我舊曹
流簪屨獵紳笏或劣取一科或貴持節鉞或抱甕壚終
青山葬白骨或猶強入試眼暗脚苦兀窮達路雖殊死

生各飄忽同爲貉一邱未覩鶚孤掣人生苟不學坐令
性天汨幸而獲所求施之類多悖未有氣節銷而見文
章發朝榮翻夕隕百年等天闕誰從平漫中蒼然樹齒
萃吾衰忘升沈抱痛幾存歿榮世與壽世于學寧有別
所遭使之然世目自不察汝今欲何爲矢志宜勇決蝨
彼悠悠中青衫正難脫脫之又曷以奚所示奇崛將爲
橫海鯨抑作摩天鵬將爲玉攻磨抑與泥俱滑將爲市
門倚抑姦需于穴果求異彼乎追程古賢達煌煌儒家
書躬行罔滅裂有本庶有文可袞亦可褐歲月肯待人
猛省速自拔

重遊半繭園作

半繭園開一徑斜
元都重到鬢添華
天桃穠柳看無數
都是劉郎去後花

比苦風痺之疾攜幼子

嘉祿

渡泖小憩北郭沈氏

園林往招青浦何書田

其偉

來視

生平慕古百不逮
誤有數事同古賢
戶齊無奈孟嘗短
山竦略比寒郊肩
三十脫齒似韓子
耳白于面歐公然
嚮來窮瘦勝老杜
今又病風如樂天
儂爲雞皮起肌栗
皺成蛇蛻連跟胼
幸無楊枝要遣嫁
免與駱馬同悲纏
中心之痒剝膚痛
抑搔終夕炯勿眠
此身忽如火聚

餘膏有幾供相煎
清冷誰酌上池水
灑來救我雙眉燃
自從蒲褐化鶴去
嬾不渡泖逾七年
倪園水石北郭下
舊嘗三宿聊盤旋
仰薪燒藥諒不厭
敷坐洗足故所便
斡山何生世醫胄
宋元禁秘方書傳
聞子頻年藉門業
頗亦挾術求餐錢
我雖無錢子所眷
得訊那不勞拳拳
煙波相望僅一舍
速來處劑紓煩痛
天寒日暮北風厲
慎莫雪作中迴船

泖東諸子導遊城西白龍潭之蓮花庵因作泖東
蓮社圖既別爲之記仍作詩卷中俾諸子屬而和
之四首

官罷士益親會稀情轉密懸抱經十霜恆歡萃一室初
心困寡諧繼迹驚輦出豫章兆萌芽文犧方蘭栗剔攘
厘昔憂薦饗快今佚悅學體諸躬敷華落其實遵軌戒
飾轅般斤媿郢質

蘭若富西郊芟憩假北郭龍潭尋故區象設剏新閣泥
池仍瀰漫皋壤半搖落挈榼共探幽憑輿當行藥因之
嘯儔侶相與眺叢薄旣續蓬池遊遂成蓮社約申襟賦
詠興肖貌丹青託

機雲渺難作陳夏近可追風騷相激宕忠孝增崛奇霞
蒸壬申選月旦甲乙持自從氣節沮坐覺聲律雌望古

冀攀逮撫今懷起衰遺聞溯鄉國卽歲符干支庶哉先
民躋珍此後勁姿

良辰惜短晷往心悲逝川七載此一來三歎誰百年豈
期久衰病復此共纏綿客兒遽勝衣少子儼侍筵小同
從鄭志叔弼和蘇篇猶願學其學烏知賢不賢蓬麻俾
集益河汾附俱傳

周希甫太守

有聲

招飲守解之海石堂堂南有高

榭一區余四十年前讀書處也重至其地慨然有
作

故人權郡此招延舊館重來一惘然鴻爪雪泥經四世

余年十四五當宛平鍾光豫守郡之日從先大父來館
讀書於是者三年却後十餘年宛平元克中守郡先君
亦嘗館此又後十餘年南豐趙宜喜守郡余以華亭校
官白事燕見亦頻過此今攜幼子嘉祿就飲希甫又過
焉往來不雞窻燈火寄三年古筵餘蔭新移架老樹無
覺四世矣

陰昔覆筵吳客名軒誰與例聊將陳迹語來賢

西林寺羅漢松歌贈寄亭上人

覺圓

嵇含狀補爾雅闕陸璣疏備毛詩賤枕幹从枕垂夏史
檜楫之檜登鄘菡松身栢葉舊所釋栢身松葉今誰詮
此樹一名羅漢木范石湖句包山傳我遊包山久龍蛻
未覩鬱鬱含蒼煙其他著錄類稱栢栢耶松耶名互沿
吾疑此物栢之屬無徵于古持難堅多聞多識悔空腹

埤雅翼雅徒陳編往來柳上四十載西林塢第循其孺
上人好事苦邀致伊蒲法饌羅淨筵中庭二樹故奇倔
一俯一仰相盤旋俯而僂者下如揖仰而竦峙如擎拳
作奇鬼搏森可畏以醜石供翻成妍揣壽卽非秦漢始
託生定在元明先負異偏遭斧斤赦逃劫幸免霆雹纏
不登朝宁佐槐棘不藏礪谷儕杉梗却來初地鍊鐵骨
坐耽香梵依金仙溜雨戰風鈴鐸外飽霜傲雪鐘魚邊
豈其自貶例樗散以不材老完其天抑真佛界長不死
忽忽今古忘其年尸陀無林俱蔽芾貝多有葉爭新鮮
非松非栢孰眞諦是松是栢皆妄緣松柏之間參位置

應真示號通善權我滯名相強分別辨聰世智紛雕鐫
上人當證羅漢果爲我印此然不然

贈寫真王塤

有序

余七年前遊泐遇南滙周謨爲余寫像輒肖因與
諸同人作橫雲秋興圖及是重來謨旣歿矣塤又
寫留余像作泐東蓮社之圖塤字醴泉亦南滙人
謨之弟子也與作一詩并志今昔云

禹鴻臚後幾傳神華

冠繆炳泰

希風夙所親晚向雲東

遇周昉今從門下得王筠出藍已覺無餘子副墨剛欣
有替人幾許
盛朝褒鄂在待君橐筆畫麒麟

興聖寺元至正鐘有序

寺五代時張仁捨宅建正統十三年檢討錢溥重修刻石尙存鐘元至正庚寅沙門正印募財所作自爲之銘上列心經一卷四面列施主施財施工及當寺僧衆鑄匠姓名其於松江府文武官僚獨紀萬戶沙萬戶石兩人助緣蓋當時有司亦未與其事獨兩萬戶與編戶婦女捨財而已正印時年八十三文辭書法皆無足觀松人豔稱鐘膊有所施金釵融而未化搨者并摸其痕余與諸子登樓諦審乃是鐘間文藻非釵痕也輒作一詩貽松人

俾後有考

興聖寺中峙方塏塏左樓峙樓三成有鐘當空著中雷
樓巔橫簾如栴檀鐘容万石博五寸厚脣穹臍圓非閤
紐爲盤龍龍怒起以爪攫簾懸孤擎自肩以上文繚繞
多心經字蟲蛇縈孰爲之銘僧正印曰元至正歲紀庚
建門建殿幾檀越施財施工臘姓名富陽匠手得某乙
某孃某妣聯孩嬰官僚獨載兩萬戶文武統贅虛爲榮
此僧八十忘耄及銘辭蚓竅誇鯨鏗鐘雖不櫛又不窺
形乃如甬兼如罌我聞鐘弁則傷鬱協之於律非匄鉤
胡然四百有餘載至今一杵聞滿城古之銅器例無厚

此特銅厚宣其聲徒邀大叩作猛吼陰陽清濁何所程
中聲久墜去聖遠往往驚世非能鳴元人制作欠精到
矧此僧俗皆蚩氓里巷誤傳妃后施有釵不化金精瑩
我今來觀實鐘藻其剡凸起捫丁丁僧常狡獪俗喜豔
欺以售欺非目盲或言金自爲水母午撞恐與潮頭迎
吏憂海塘遂設禁未許白晝敲彭觥又言聲高利升擢
太守趣命高其甕有司卑陋士不學悠悠百口羣訛并
寺之剏始漢乾祐熙寧永樂凡再營正統郡人錢溥記
記文可讀差分明至元一鐘何足數郢書燕說難爲情
聊與作詩示傳信他時志乘增題評

大樹庵明崇禎鐘拓文

有序

余既作至正鐘詩客有言大樹庵明季銅鐘致精
今移提督牙門東漢壽亭侯廟因令工往拓其文
以來則崇禎中郡人錢士貴爲妻殷資福所作周
列金剛般若經文下方士貴自述以殷遺釵釧金
易銅爲之其銘作彼家言然文辭字畫果較至正
鐘爲勝并作一詩紀之

客言大樹庵一鐘殊匠巧庵廢鐘簾移銘辭致完好自
古金石家石多金苦少因往拓其文軼事或堪討鄉官
錢士貴傷逝手屬稟曰贈恭人殷佛書故通曉慈祥更

淑慎三乘法俱了今以釵釧遺鑄鐘資擊考庶憑金剛
力薦福脫諸惱歲陽紀庚辰月屆佛成道督工惟某甲
良冶某某造時維我

太宗崇德改元肇至是五經春戎衣快除埽明政大不
綱中原久雲擾雷雨動滿盈

真人起承昊士貴官陪都猶如魚在沼但申獨旦哀未
悟亡家兆此錯不鑄鐵何況銅鐘小近有唐人碑出土
鄰舊鐫題作瘞琴銘其文悵偕老刊經作迴施闡迹當
志表茲鐘事相等風詩念綦綯足增伉儷思藉發詞流
藻

過龍門寺聽雪軒

五茸城裏龍門寺落日荒煙人莫至
龍門寺裡聽雪軒
鐵厓聽雪舊開樽我今入寺尋遺迹
古木蒼藤幾堆石
天陰釀雪雪未成軒頭松竹如雪聲
寺僧好事留茶話
自述禪宗數興敗手指庭杉補種痕
鐵厓手植前年壤
浮生若夢今猶古悲涕濃懽皆墜雨
紺宇還敲飯後鐘
錦窠誰趁花遊舞老鐵人間去復回
鐵夫白髮此徘徊
憑軒一笑題詩去五百年中二鐵來

裴工吳茂亭求詩四首

豪素中間擅一長
漿醪詠溯宋南廊
元章若得如君手

肯記親裝帖破羗

珍函寶笈費搜羅
畫劫書災正自多
錦帶荔枝綾柿蒂
誰將方法講宣和

朝朝拓室劈麻牋
未必無功到古賢
斷楮殘煤唐宋迹
都教增壽百餘年

龍鱗接稍徵唐世
夾雪標題誌晚明
陳解元書應作輩
伏靈芝刻共傳名

題改七薌

琦

少年聽雨圖

玉壺仙史仙之逸
萬草千花一枝筆
花花草草各精神
寫入仙毫總是春
漢女江妃久飄忽
返魂却向毫端活

美人香草意千秋併作天邊一縷愁
清愁濃思渾無處
瀟瀟打出湘絃雨我逢仙史十年前
仙史翩翩正少年
銀箏擲曲西郊轡金鳴焚香北郭船
春陰臥雨重簾下
巫山夢醒聞飄瓦惆悵應添鴛袂寒
森沈不覺魚燈灺
此際雲情接雨情此時聽雨轉分明
海棠泥汗臙脂雪
斷盡柔腸一一聲卽今又翦西窗燭
坐中白髮無如僕
仙史猶餘少壯心中年未免傷哀樂
簷花依舊垂簷注
離情旋挂申江樹今雨難期舊雨來
更拈殘墨題詩去

題欽吉堂茂才

善 籠鶴圖三首

籠鶴籠其翮豈能籠鶴心
鶴心自天外何處辨飛沈

池上紛紛鵝鴨朝端一一鵝鸞如汝未須脫白居然獨
到還丹

珠樹三霄道路長琴心舞罷月蒼涼神仙許作真騏驎
誤被人呼白鳳凰

題上海黃

曾佑

青山澹慮圖

青山澹何有窈窕却多姿世人苦營營乃與山澤期惟
有厭世心喜作入山辭山心兼世慮中鬪互相持如以
水濟水同此一坐馳謂將求其澹求澹彌益之吾今老
空山山中無四時忘山自忘世何慮更何思本來無可
澹澹又將奚施青山世不乏居山果伊誰君作青山圖

定結青山知苟無出山志誦我在山詩

題吳屏山

三省

臨宋四家詩書

往時劉相國語我行楷方今人好夸譚高步鍾元常豈
知宋四家淳實兼晉唐流傳所摹勒點畫留鋒芒士能
乞其餘得路趨康莊亦如荀卿言君子法後王此卷病
風手筆致殊清蒼因以風所聞跋尾識勿忘

泐東諸子送余歸過福泉同集書田簪山草堂分
韻二首

別來消息稀聚處團圞暫聊爲一月淹以補彌年憾方
書勞訊訪文藁助讐勘不勝藥裹繁已壓歸裝擔更赴

福泉期遂解茸城纜煙邨小作程星燈行逮暗

十年雞黍約一舍薤鱸鄉先時煩掃徑凌晨快登堂新
篇蒐篋衍舊迹出家藏破豕摩斷碣古井指荒岡策杖
步林藪傾厨羅酒漿茲懽信非偶良會何可忘

方七制府

維甸

書來屬題其二十七歲時所作青

溪放棹圖

作圖後一年見公潞河濱公方二十八將漕選曹掄吾
年三十一席帽罽京塵後此八九年我試禮闈春公爲
知貢舉號舍情話親頃之公筦榷弭節在析津我歸暫
艤舟官閣飲我醇酒闌呼出見玉樹雙枝新無幾重話

雨却在鳳城闥左調白雲司公亦感積薪騎驢來過我
正及開溝辰慷慨論時事懷抱各輪囷自此一分別江
湖泥憶雲 聖人出當天倚我股肱臣迴翔徧嶽瀆把
鉞督三秦濟時霖雨大調元轉鴻鈞蒼生翹首望公以
將母陳青溪理歸勝溪流碧粼粼臨流照顏鬢已非畫
中人一夢三十載如畫家山真因之邀著句遠訊託還
鱗故人老田間不覺衰病臻放筆聊敘舊繚繞積愔伸
祝公久青溪陔蘭榮葩晨秋期訂匪遠共采溪頭蓴
入洞庭山冒雪渡湖而歸

昔度龍泉關關前見雪不見山又泊京江城江空有聲

非雪聲汎湖今從洞庭渡銀海茫茫杳無路飛鴉斷處
隱沙汀七十二峰非舊青偃松倒枯萬珠樹修篁短篠
千鶴翎雲耶水耶天一色扁舟點入湖心黑仙樓佛閣
相蔽虧碧瓦紅闌紛刻畫生平足迹凌荒塞詩成馬背
兼駝背獨有家山到未能五十年中此再登若非孤櫂
隨征雁那識湖山工變幻山神邀我後遊篇快哉一雪
窮其妍病夫雖病筇杖健布韞青鞋猶結願何人好事
補新圖差勝入京畫常建

歲暮過錫山喜晤老友郭晴川廣文

一臨
秦小峴

侍郎

瀛

二首

家家醉司命吾乃理棹出有兒久當婚取女占迨吉

時爲

嘉福娶婦納吉而行

却緣向平累敘我求仲濶水驛背墟煙山城

帶樓雪舟非訪戴來席莫留髡設

廣文若田舍司寇如寒生門闌各蕭寂風月自孤清
頻并增晚思車笠憶舊盟劇設知有幾積抱庶一傾
悅此冷澹客共伸繼綵情

附

和作

無錫

秦

瀛小峴

屏絕區中緣閉門久不出履道殊坦坦幽人筮貞吉
我友忽造訪晤言慰契濶茶煙逗疏籬梅萼破積雪
衰懶愆報謝禮豈爲我設

相見旋相別漠漠寒雲生重茲枉嘉藻令我懷抱清
久謝簪組累庶尋車笠盟翕熱看朝貴一旦性命傾
何若澹世慮了此物我情

同年尤春樊舍人

興詩

作東坡生日余方有事洞

庭未及與也辱枉示同會諸公詩輒與補作

坡生日會未一與坡生日詩頻作之我詩未得坡一句
舍人好事難爲辭公年五十八醉草玉堂札其年九月
帥定武遂貶惠州更削奪我今正復如公年閉門忍饑
忘世緣朝來偶汎五湖去和公橘頌成新篇詩雖不敵
命已逾自翳蓬蒿老菰蘆却憶此年逢此日公馬西行

路北出身騎白鳳風雪勁到及中山醉司命

公以元豐八年十二

月二十三日至定州

計公生日方在道中當時公在道塗中我今水宿亦孤

蓬古今旦暮呼應起公自至今長不死香燈何必供華

堂公神所之無四方茫茫萬頃湖天白孤鶴南飛夢一

昔我腰鐵遂洞庭吹也抵青巾紫裘客

癸酉

爲人題漁舟圖三首

曉漲碧吞天新花紅埽地此時來問津儻是劉子驥

有月聊堪曬網無風恰好揚舲楚唱和他漁父吳歆注

入魚經

老夫晚計託漁船坐臥漚波已十年茶竈筆牀猶亦具
輸君船尾一嬋娟

讀史四首

讀後漢書

耶教世多有張角始漢季角一妄男子造亂何容易外
挾萬災黎中通十常侍伏莽燕寢間諸將徒麾幟寧知
五斗米常侍暗爲地封諂與徐奉發覺勞捕治斯時天
亦怒翦除當以次張讓亟叩頭怒解仍無事古今變雖
殊往往出所備從來憂宦官成敗燦曩記覆車乍驚奔
繼軫還適至咸虞近不遜孰料遠生懃旁皇繹聖言彌

隙將奚自謂等雖伏誅讓輩繁其類駟馬不可騎飢鷹
自然驚誰當守王閑暫御箴有位

讀舊唐書

長慶之四年張韶起爲賊卜者蘇元明從中傅之翼內
坊紫草車刀杖載叵測闌入銀臺門遠有百夫匿公然
清思殿登榻來對食揮兵殺闔者呼鬪勢孔棘桓桓神
策軍禁廂備番直軍使康藝全入討不待敕喋血到天
階埽平戰亦力遂答諸門監當司遞黜陟是時方鎮誰
精勤講供億新進打毬衣罽畫金絲織宰相李與牛生
平工默默非無裴晉公行吟甘去國昌黎悲送窮讒諍

卷二十一
方交逼何況玉溪生潦倒無人識

讀元史

帶劒雲龍門晉書事略錄持挺慈慶宮明臣爭聚族要
其事皆疑淺深隨所鞠有元旣崇佛演揲變國俗因多
內道場蕃梵往來熟緇素久淆訛藥芽遂潛伏妖僧高
菩薩蘊謀成反覆千戶王著者相倚爲背腹其時駕在
行諸臣遽入宿倉猝非所虞刀光閃籠燭堂堂張九思
奮起快殲戮事平第其功忠勇九思獨繫由用事臣禍
被宮省酷然猶未入中亦未驚輦轂女子小人間前修
費商榷冢宰領宮中周官義可復

讀太平寰宇記

滑臺故巖州魏晉積戰爭本緣滑氏壘增之以爲城兼
有遙明陞未隨陵谷更堅嶮不可攻曩牒載分明兵法
貴攻瑕何事以力征其民俗剛武夏育所自生至今雄
雞冠上豕祭結纓古城築來久或恐蒸土成不容卓錫
刺安有一礮轟火攻良下策穴之詎能傾臺前赤眉聚
山上白馬鳴元戎號如虎分樹盪寇旌梯登旣雲屬烽
舉亦雷驚滅此乃朝食不覺老我兵宰相須讀書有將
皆韓彭謀帥取敦詩悅學利師貞

侯官李舍人

彥章

乞假歸娶四首

鳳池才子豔神仙滿篋新成卻扇篇銀篆香槃雙裊裊
朝衫猶帶御鑪煙

稱意花從及第開彩豪天上草麻回緣知一騎金泥帖
抵得千金玉鏡臺

畫帳梅開夢曉雲墨奩脂盃伴籤芸真珠密字簪花格
寫取歐陽外制文

老夫此日髮毵毵誰唱銀河續舊談好笑孟光今舉案
已如彌勒作同龕

溧陽晉錢詩

有序

嘉慶癸酉夏嘉福權守溧陽都司有耕者發地得

五銖錢十萬嘉福封其百錢以來余考漢五銖累更罷復自魏明帝復興迄晉南渡輕重雜行今茲十萬無一他錢參錯決非唐以後入土又其製不精恐是晉錢而非漢錢也案晉史書大臣葬動輒賜錢十萬賜錢百萬溧陽在晉始屬丹陽繼又改屬義興郡沈充蘇峻先後弄兵所至此非兵燹所遺卽是晉墓被發惜嘉福未能履勘姑作一詩紀其事

五銖盛漢錢有新廢之速自從黃牛謠旋見青蚨復當塗仍暫停典午乃重續過江事草創國用苦未足舊錢

且兼行小大判三族沈充亂賊徒利權媮在握么錢若

幼錢標作沈郎目漢錢重如文輪廓致精熟此錢輕重

殊形製又犢駁厚寡了非均差池好與肉具知所模範

鑄之非一局而文皆五銖從同類沓複竊謂晉人遺或

經癖障麓溧陽雖漢縣爾日義興屬誰倡晉陽甲餘讖

驗郭璞接迹沈與蘇此地積荼毒今茲出耕犁猶恐連

戰鏃不然豈晉豕朽貫媮枯燭賜錢常十萬書葬史可

覆當時錢神論孔方詆貪黷生誇埒以金死配哈有玉

相攜到重泉非壘堆滿屋三版馬鬣封一鋤鴉嘴劖生

平閱南北此事見已數宋錢得京郊土花繡濃綠

往在京師

有一僕葬親于黃邨掘土得宋政和錢二千及余知之祇餘二十錢矣遂分其半北土燥銅質完好色皆重碧明錢得江介顏柳書肅穆嘉福前守靖江亦會古錢出土塗泥銅色黯慘書作顏柳體乃明太祖洪武以前所鑄大中當十錢也有藏靡不泄可笑爲誰蓄弔古悲涕洟嗤今秘篋櫝吾誠窶人子阿堵鄙流俗不惜口言錢耆古好亦酷聊爲晉錢詩來賢試平摧

甲戌

六十自頌四首

吾年四五十作詩皆自訟及茲老無耻六十乃自頌自頌非高門鬼瞰免嘲弄自頌非巍科不妨文覆瓿自頌

家長貧簞瓢謝腆供自頌身不材樗櫟完無用推排六
十年事往都如夢去日良苦多倚枕斜陽送

六十古下壽自頌還自悲自悲一剛腸取舍昧時宜矢
此耿介心坐爲謗譽資謗雖靡不有往往匪夷思譽之
亦滿世而究莫我知荒江兩版扉把管白其髭慷慨六
十年仰屋奚所施此日足可惜杳與千載期

人生悲海中自悲翻自喜自喜室無姬梅花冷齋几自
喜簾無金貽後累孫子自喜秩卑微猶堪迪功儼自喜
田汚萊蘇季并無此杜韓年不穹今我逾之矣傲岸六
十年清寒抱終始此日是穀日吾豈憂餓死

纏絲述悲喜自頌亦區區早年勵志氣甘作季次徒中
歲棄官歸略如范萊蕪始衰築生壙不後司空圖食苦
久忘苦無娛以爲娛尙嫌結習在伐性老耽書沈冥六
十年所得晚益孤來日復有幾可以歌烏烏

附和作

江陰王蘇儕嶠

君與世違行體若天水訟世方倡皇荊君作奚斯頌
世方濫齊竽君作成連弄人坐障錢麓君臥黃蘗甕
人競終南徑君兀怪石供叢神博不假社樹散爲用
獨醒一甲子各夢亦同夢四坐聽我歌歌罷酒徐送
老壽少同調未老先自悲壯旣不如人老復誰相宜

且喜年穀熟饘粥饒餘資且喜兒輩長咿唔無軼思
漚與波相忘漚動波不知花生眼中纈梅笑領下髭
此中識真意我莊君惠施欲問濠上魚何人共襟期
事往惜古懽春還送新喜雁後朱華榮竹下赤舄几
穀日君以降讀書得種子善米性如禾莫用秕糠擬
精粳與粗糲穀性無彼此雪桃及縮茅米不知之矣
困藏或紅腐穀乃全其始種稷自得稷一粒無生死
與君少年遊瓜芋同一區與君晚年息屨褐偕其徒
壯心病已耗遠志處則無觀空無我相不復爲身圖
爲君壽六十繼聲聊自娛相違二百里一夕達素書

祝君耆且艾俾我德不孤莫嫌兩鬢雪古有瑞白鳥

吳縣江沅子蘭

歸雁先春飛故鄉渺余思余思杳何處芳草東風披
先生歲周甲稱壽宜有辭忽得自頌句遠示他鄉知
自悲復自喜俯仰身世奇平生一片心憂樂具在斯
造物賦才意往往不可期聖賢志千載不爲身家私
命塞道逾光後世尸祝之材大難爲用三復杜老詩
仕路正勞勞恬退一何早閉門荒江濱聲出金石好
蘭爲王國香梅以神仙表栽花課讀餘弄孫遣懷抱
曰有不世才聞名便傾倒亦有經世者斂關願聞道

清福天所重盛名世之寶謗傷雖云多愛妬發奇狡
顛鵬寥廓中視下一何小吾知先生心未能免悄悄
先生少師古友盡天下英同里有耆德汪彭振先聲
絕學辨義利文字窮劉羸先生出其間異流同源生
導師不可作道藝雙肩并時時聞微言屢使聞者驚
斯世競著作蚓窮蟲魚爭先生仰霄漢但見空煙橫
千雲須喬松跋浪須長鯨獨立何蒼茫悠悠千古情
我年二十餘從師二林授是心從何來直向腳根究
側聞先生名才氣蓋宇宙師歎性根超世緣惜馳驟
轉瞬廿載餘幸得託昏媾每承青眼看說我靈光透

我今苦飢驅三山滯孤陋儒門真淡泊安道言非謬
祝君老彌健遙奉一觴侑願發決定心歸依無量壽

婺源王南橋員外

世銓

索題其家侍御

澤

所作萬

壑松風卷子

我生黃山下未蹋黃海峰青山無恙今白首夢遊往往
乘長風君家龍尾陰宜作龍頭客何爲泊宅久僑吳盆
盎撫松煩置驛天都山勢杳重重長松倒挂如虬龍白
雲招我不歸去化爲硯礪蟠心胸鄉信連朝報簷籬坐
有鄉人到不約偶然破墨忽淋漓吐出胸中萬邱壑吳
門涼露下梧楸天外先來一髮秋訪秋欲問新安渡門

前水落無行舟但覺松風謾謾卷中起總作濤聲繞絃
指青鞵布襪有前期旦晚相將治行李

淵雅堂編年詩藁卷二十終